



PEJABAT KETUA PENGARAH PENDIDIKAN MALAYSIA  
*Office of the Director General of Education Malaysia*  
PARAS 7 BLOK J PUSAT BANDAR DAMANSARA  
*Level 7 Block J Damansara Town Centre*  
50604 KUALA LUMPUR

Tel: 03-2586900  
Fax: 03-2535150

KP (BS) 8591/Jld.XVI (14)  
10 Ogos 2000

Semua Pengarah Pendidikan Negeri

Y.Bhg. Datuk/Dato'/Tuan,

**SURAT PEKELILING IKHTISAS BIL. 14/2000:**  
**Sambutan Hari Kemerdekaan Peringkat Sekolah**

Hari Kemerdekaan yang disambut setiap tahun mempunyai peranan yang sangat penting dalam membina sebuah negara dan bangsa Malaysia yang berdaulat. Generasi muda yang bakal menjadi pewaris negara perlu memahami dan menghayati sejarah perjuangan mencapai kemerdekaan dalam erti kata yang sebenar. Kementerian Pendidikan Malaysia, antara agensi utama kerajaan, perlu mendidik dan membina generasi muda supaya mereka mempunyai rasa cinta kepada negara, sentiasa mengingati jasa dan pengorbanan negarawan-negarawan ulung terdahulu dan mempunyai jati diri yang jitu. Di samping itu, mereka juga perlu mempunyai semangat patriotisme yang tinggi yang dapat dizahirkan dengan menghormati Lagu Kebangsaan dan Jalur Gemilang. Mereka hendaklah menjadi bangsa yang berani, tegas, dihormati dan berkeyakinan serta mempunyai komitmen yang tinggi untuk sedia berkorban demi kedaulatan agama, bangsa dan negara.

2. Surat Pekeliling ini bertujuan memberi garis panduan kepada semua sekolah, dalam merancang dan melaksanakan program-program sempena sambutan Hari Kemerdekaan setiap tahun. Kementerian Pendidikan meminta setiap sekolah di seluruh negara merancang dan melaksanakan Aktiviti Utama dan Aktiviti Sampingan bagi mengisi sambutan tersebut.

2.1 Aktiviti Utama

Semua sekolah dikehendaki mengadakan PERHIMPUNAN KHAS pada tarikh 30 Ogos setiap tahun. Sekiranya tarikh berkenaan merupakan hari cuti, perhimpunan ini hendaklah diadakan pada hari sebelumnya. Perhimpunan tersebut hendaklah sekurang-kurangnya mengandungi acara-acara yang berikut:

- i. mengibarkan Jalur Gemilang;
- ii. menyanyikan lagu Negaraku dan lagu-lagu patriotik; dan
- iii. laungan kemerdekaan.

2.2 Aktiviti Sampingan

Pihak sekolah digalakkan untuk merancang dan melaksanakan aktiviti-aktiviti sampingan, yang boleh diadakan sepanjang bulan Ogos setiap tahun. Antara aktiviti yang dicadangkan ialah:

- i. mengibarkan Jalur Gemilang di bilik-bilik darjah;

- ii. menggalakkan murid mengibarkan Jalur Gemilang yang bersesuaian saiznya di kenderaan peribadi;
- iii. mengadakan peraduan menulis esei, mendeklamasi puisi, melukis poster atau seumpamanya;
- iv. mengadakan pertandingan pidato, syarahan, bahas, kuiz dan nyanyian lagu-lagu patriotik;
- v. mengadakan pertandingan/persembahan pentomen, sketsa dan drama;
- vi. mengadakan pameran mengenai sejarah perjuangan kemerdekaan atau tokoh-tokoh setempat yang berjasa; dan
- vii. aktiviti-aktiviti lain yang difikirkan sesuai oleh pihak sekolah.

3. Sila maklumkan kandungan surat pekeliling ini kepada semua sekolah di bawah pentadbiran Y.Bhg. Datuk/Dato'/Tuan.

Sekian.

**"BERKHIDMAT UNTUK NEGARA"**



**DATO' SERI DR. ABDUL SHUKOR ABDULLAH**  
Ketua Pengarah Pendidikan Malaysia

- s.k.
1. Y.B. Tan Sri Dato' Musa Bin Mohamad  
Menteri Pendidikan Malaysia
  2. Y.B. Dato' Abdul Aziz Bin Shamsuddin  
Timbalan Menteri Pendidikan
  3. Y.B. Dato' Hon Choon Kim  
Timbalan Menteri Pendidikan
  4. Y.B. Dato' Mahadzir Bin Mohd Khir  
Setiausaha Parlimen Kementerian Pendidikan
  5. Ketua Setiausaha Kementerian Pendidikan
  6. Timbalan-Timbalan Ketua Setiausaha Kementerian Pendidikan
  7. Timbalan-Timbalan Ketua Pengarah Pendidikan
  8. Ketua-Ketua Bahagian Kementerian Pendidikan
  9. Ketua Nazir Sekolah
  10. Pegawai Perhubungan Awam